

ابونه فیاتی

ممالک عثمانیه ایله بلغارستان بوسنه

هرسک مصر ، قبریس

و کرید ایچون

سنه ۱۲۰ آلتی آلتی ۷۰

غروشدر

استانبول ایچون سنه لکی ۱۰۸

غروش

فولانتا

۱۳۲۴

صاحب و مدیر مسئولی

قبریسلی درویش وحدتی

امور تحریریه ایچون مدیرمسئوله

مراجعت اولنور

آدره سی :

ساقی بک مطبعه سی

۱۰ محرم ۱۳۲۷

پازار ایرتسی

۱۹ کانون ثانی ۱۳۲۴

۱ شباط ۱۹۰۹

حیرت لر

شو زمانلرده علم هیئت او یله حیرت افزای
عقول بر درجه تکامله واصل اولمشدرکه :
انسان دوشوندکجه عقلنی غائب ایده جکی کلیور .
انسان زمیندن شمسه قدر اولان مسافه
واسعه بی در پیش تفکر ایدیور ، شمسه قدر
چیقمق ایچون برواسطه عروجیه اریور ،
ردن بره فکرینک شمسار اوزرینده جولان
ایتدیکنی حس ایدیور ، دها یوکسکلرده شمسار
رایور ، ارادقجه فکر یوکسلیور ، یوکسکلده
باری یه هجوم ایدیور ، بر درجه یه کلیور که :
همی ، اوت عمی دن باشقه برشی بوله میور ،
ولسه تسلسل حصوله کلیور ، بوکا شمیدیکی
حالده فضا دینیور ، نامتناهیلاک اسمی ده اضافه
یدیور . نامتناهی ذات پروردگار ایکن فضایه ده
امتناهی اطلاق ایدلیدیکی جهتله فکر متحیر
لیور که : حیرت ! بو حیرت نقطه سندن اعتباراً
کن « امر جلیله مبداء مفروضه دن باشلا یه رق
شلا : اثیردن بدأ ایدیور ، بونی تکائف
یتدیریور ، تکائف ایتدیردکجه شمسار حصوله
تیریور ، علی الدرجات ارضک بخار حالی
صور ایدیور ، تقشیر ایتدیریور ، نهایت ،
بانات دورینی بولیور ، صکرده حیوانات قسمنی
دوشوندیمی بونلرده بر حیات مشهود بولیور ،
ولیور اما : عوامل طبیعه نکه هر برینی حیاته خادم
ولیور ، حیوانات میاننده ده انسانی نظر دقه

الدیمی ، عجبا بو مخلوق ، تکمیل ایتش اوله رق می
وجود بولدی ؟ یوقسه نیجه دورلردن صکره می
تکمیل ایتدی ، تعلیم اسماء مکمل اولان ، ادمه می
یوقسه ، ادم معنی یه می واقع اولدی . حضرت
علی کرم اوه وجهه « بن ، ادمدن اول قرق بیک
ادم بیلیم ، بیوریور ، ادمدن اول ، طوائف
جنک یریوزندن سائر اولدینی محقق . بزم
اعتقادمز ، جناب حق ادمی بالچقندن یاراتدی .
جنتده ایدی ، ذله صادر اولدی . زمینه دوشدی .
بو بر امر تعبدی .

لکن جهت فیه سنه کیرشدکمی . معیار
تصوفه اورولماق لازم او حالده خلقت ادمده ،
بر سر ، بر نقطه حیرت . انسان خلقت آدمی ده
چکدکن صکره ، البته تسلیم روح ایدیور ،
یا جنت مکان اولیور ، یا خود دوزخ نشین
جنتده جهنم ، باقی ، حالبوکه البقاء لله .
بو حیرت ! غالباً بو حقائق اکلماق ایچون حر
یت تامه یه مالک اولماق ایستر . حق پرست اولماق
ایستر ، تصوف پرست اولماق ایستر . یوقسه
انسان دنیا یه حیرت ایچنده کلیور حیرت ایچنده کیدر
وحدتی

مکتب حربیه حادثه سی

مکتب حربیه شاگردانندن بر طاققلری
اتفاق ایدرک هیئت اداره و تعلیمیه دن بعضیلرینی

ایسته مد کلرینی و طعنا ملرک دوزه تللمسنی طلب
ایلدکلرینی مصرأ و بر صورت شدیدده ده
سویلملری اوزرینه مکتب حربیه نظارتندن
حربیه نظری پاشایه بیان کیفیت ایدلمش
و حربیه نظارتی مکتب طلبه سندن بر قسمنی
برای استیضاح جلب ایله مرکز قوماندانلغنده
توقیف ایتدیرمش ایدی . بونک اوزرینه
ارزنجان حربیه سندن کلش اولان شاگردان
بویله نامشروع بر صورتده طلب حق ایلمک
فکر سقیمندن فراغت ایللمش اولغله تشبثات
مصرانده دوام ایتک ایستینلره آرهلرنده بر
برودت حاصل اولمش و بو برودت تزیاید ایدرک
ایکی طرف آرهنده کیجه لین قغوشده شدتلی
بر مضاربه و وقوعه کسینی انتاج ایللمش اولدینندن
حربیه نظارتی جانبندن کوندریلن امرنامه
مخصوص مکتبه دوام ایتک ایسته مینلره
قپولرک آچیق اولدینی و بو فکرده بولسانلرک
جمعه کونی اقشامه قدر مقصدلرینی بیان ایله
قیودن طیشاری یه چیقماری و جمعه اقشامی
مکتبه کلینلره استعفا ایتش نظریله باقیله جغنی
بیلدیرلمشدی .

اخیراً النان معلوماته نظراً اولکی اقشام
حربیه نظارتندن اعزام ایدیان ارکان حربیه
رئیس ثانسی صالح پاشا ایله میرالای اسمعبدک
جمعه کونی اقشام اوزری مکتب حربیه یه
کیدرک شاگردانن توقیفی لازم کلن الای بر
کشی بی آرا بهلره بالارکاب حربیه نظارتنه
کوتور مشلرندر .



§ استدلالات مخصوصه مزه نظر آ بو توقیف
ایدیش اولانلر استغفارینی ویرمک ایستینلر
اولسه کرکدر .
هر حالده شمدی یه قدر ملتک نان ونعمتیه
پرورده ارله رق بودرجه یه واصل اولمش
بولنان مکتب حربیه شاگردانک اطاعت
وتربیه عسکریه جهتیه عمومه بر نمونه امتثال
اولمی لازم کلیرکن بوکی احوال انتظامشکنانه یه
تشبث ایتلمی کنیدیلرینه ایی برنام قزاندرمش
اولیه جقدر . بونک ایچون اظهار تأسفمن
کندمزی منع ایده میورز .

شیخ الاسلام افندی حضر تلینک

نظر دقتلرینه

ایکی ایکی بحق سنه اول پدرینک ارتحالیله
یکرمی بش لیرا قدر بر معاشه نائل اولان بر
خانمک پدرینک حیاتنده دوام ایتدیکی بک
اوغلنده کی لیلی بر اجنبی مکتبته دوامی مناسب
اوله میه جفته وکندیسنکده یالکز قالدیغنه بناء
اولزمان انشته سی طرفدن اقامتگاهنه النمش
ایسه ده انشته سنک خانه سنده کی طرز حیات
ومعیشت اسلامیه حسب الاستعداد مزبورنک
خوشنه کتباش اوله جق که انقلاب اداره یی
متعاقب انشته سی افندی یه ده اطاعت ایتیه رک
سنی اون سکری تجاوز ایتدیکی حالده ینه اسکی
کتیدیکی مکتبه دوام وطالبات سائر نک قیافتده
معلمین ومبصرین وحتى بعض زوار قارشیسنده
مکتبده عرض اندام ایلدیکی واصل سمع تأسف
اولمشدر ؟

تحصیل علم وهنر نه درجه ده موجب تقدیر
ایسه قننی دین ومذهبدن بولنورسه بولنسون
کنیدی دینه عدم رعایتله مبالا تسزلقده بو -
لنسیده اودرجه ده شین ونفرتیدر . اگر ماد
وموازل مومی انیهانک فکری همه حال او -
مکتبک اکیال تحصیلنده ایسه دینا اکتسابی
ممنوع اولان . . . شیلری اتهرق الدینی یکرمی
بش لیرا معاشک نصفی اورانک معلملرینه
حصر ایله ذاتاً بک اوغلنه قریب بولنان خانه سنه
جلب ایتلی ادا داب دینه وملیه سنه موافق قیا -

فته تحصیلی اکیال ایتلیدر ! مسله کسنلک ،
ثباتسزلق کی احوالی اعتیاد ایدنلردن نه عالم
انسانیت نه ده کنیدی تقسی استفاده ایده مز .
شمیدیلک کنیدیلرینی تشهیر واعلان ایله جلب
انظاره لزوم کورمده انسانیت ودیانت نامنه
شواخطار خالص وخیر خواهانه مز دائر سنده
حرکت بیورهرق اتیماً فکرلری وجبله عالم
انسانیته خدمت ایتک صورتیه هم جنسینه
موجب عبرت اوله جقلرینی امید ایدرز . شو
عبرتک برده عکسی جهتی واردر که کنیدی
جقلرنده موجب نکبت اولسه کرکدر .

وحدت وجود

بو ترکیب بر زمان در ، صوفیه اراسنده بک
زیاده زبازد اولمقده در . بو ترکیبی حقیقه ادراک
ایدنلردر که بردها دونه مزلر . بطلانسه حکم
ایده مزلر ، بو ترکیبی لایقیله اکلا یانلردر که :
غوامض کائناتی ، حقائق حادثاتی ، حل ایدرلر
زیرا بو ترکیب ، حلال مشکلاتدر . بتون منطقلر
بتون سرلر ، بو ترکیبه قارشی کردنداده تسلیمدر .
بو ترکیبی اکلامغه چالیشانلر ، حقپرست
اولانلردر . حقپرست اولانلر ، بر رابطه ایله
باغلی اولمیانلردر ، فتنط بر کرده اکلا دیمی
جبل متین دین ایله او یله باغلانیر ، بویننه او یله
بر لاله حقیقت اوریلیر که : آرتق دین ایچون یشار ،
آرتق دین ایچون اولور . ایشته وحدت وجودک
فائده سی بو . کله م بو ترکیبک حلنه : عجبا انسان
قرده شلرینی نه ایچون سور ؟ یاخود سائر انسانلره
نه سبیدن ترجیح ایدر ! بررحم مندردن بر صلب
پدردن کلدکلری ایچون دکلی ؟ بر پدر ، تصور
اولونسون که : اولاد واحفاده احفاد احفاده مالک
اوله رق بر قاج یوز کشی یه واصل اولمش .

صکره ده ، او پدرک پدری ، پدرینک پدری ؛
وهلم جرا اک صوک بر پدره قدر کلش ، او
صوک بابا ، هیمزک ادم دیدیکمز دکلی ؟ .
ایشته بشرده کی وحدت وجود !

استطراد

دیمک اولور که : انسان نامی التنده کی

قرده شدن باشقه برشی دکلدر . عین برقرده ش
محبته بر بریمزی سومک لازمکلیرکن بر بریمزه
دشمن ، بر بریمزه عدوجان . بو عداوت ایسه
اخلاقسنزلقندن متولددر . او یله ! بکون پدر -
لری موجود اولان برادرلر ، بر برلرینه عین
سویه ده محبت ایتزلریا ! پدرک رضاسی که : او
عائله نک قانونیدر ، هر کیم او قانونه رعایت
ایتزسه توجه پدردن ساقط اوور . پدرک
قانوننه رعایت ایتیمان قرده شلرک کوزندن ده
دوشر . بر خانه ده بولند قجه برانونه رعایت
ایدلکجه هر نه قدر کوزدن دوشمن ، توجه
پدری غائب ایدن ، ینه او قانونه رعایه چالیشهرق
بین العائله دوام حب وموالاته سعی ایتسه بیله ،
خانه ایرلیمی ، قانون پدرده نقض اولنور ،
کنیدی اجتهادیه حرکتیه باشلار ، ایکی قرده ش
بر حیات اولدقلری حالده طرف طرف اوله رق
بر برلرینک محوینه قدر یوریرلر بو حالم ،
الحاله هده عشار اراسنده موجوددر .

ایشته او پدر ادم ، قانون ده ، شریعتدر .
شریعت ادمه ، اطاعت ایتیمان اولدی ، اخلا
قسز اولانلر پدر ، اخلاقسنزلق ایسه ، شریعتسنز
لق ، دینسنز لکدر . دیمک که : بنی بشر اراسنده کی
محبتسنز لکه سبب ، اختلاف دیندر . انسانلر
انسانلر کره ارضده یالکز بر دیز ایله متدین
اولمقجه ، صلح وصلاح تأمین ایدیلر مز .
حالبوکه وحدت وجود بشریت ادمه ، وحدت
ادیان ده دین اسلام ده متجلیدر .

مابعدی وار

وحدتی

● پو لتیقه مز . نه قولایدر !

بزده شهرت قزاق ، او ویا طاتبق
ایستیانلر اسلاملری ایاقلر الله آلبن خریستیا
نلری باش اوستنده طوتسوز ، او یله لری
امین اولسونلره از زمان طرفنده اروپا نظرند ،
اکبیوک ادم اولور . بر پرده اصلاحت یاپه جقمی
زینهار ! اسلاملره باش قالدیرمه سن ! حرمت
ایتمه سین ، خریستیانلری حمایه ایتسون ، او یله
لرینی حکومتمز عزل ایتک ایسه سه بیله ، نه